

中國方志叢書·華中地方·第一五九號

據

清道光十五年刊本
清黃廷鑑輯

影印

江蘇省

琴川三志補記續編




1203/04
成文出版社有限公司印行



10106038

余曩輯虞鄉續記八卷虞文續錄廿四卷孫長真太史
序之余友屈侃甫謂近千冗濫爲之刪繁舉要并正其
疏舛名曰琴川三志補記張鹿樵觀察見而善之捐金
付梓至十卷篆幕而止其金石以下以彼此意見抵牾
去取未定有錄無書作秋重爲增刪一仍前例續成八
卷勉事剴勵觀審詰嗣約軒復爲襄助遂克蕝事後有
君子從事闕史攷尋放失或有取焉

道光乙未春三月朔拙經筵黃廷鑑識時年七十有四



志補記續目錄

卷一 碑石

卷二 文一 記 雜文附

卷三 文二 序


卷四 文三 誌銘 祭文附

卷五 詩一 邑人 詩二 寓人 宦游附 詩三 名流 方外附

卷六 雜錄一 雜史

卷七 雜錄二 拾釋

卷八 雜錄三 發瑣



琴川三志補記續卷一

邑人黃廷鑑編輯

碑石

載籍易湮貞珉斯壽迨歲月滋久存亡同慨虞陽
僻邑鑲石寥寥梁碑邈矣元和塘碑咸通龍記並
經泐滅今存者兩幢最古宋訖明初十數二三据
所目見按代著錄其題名墨刻附焉荒丘廢院倘
有殘遺續俟搜訪云

梁

招真館碑

在致道觀彌羅寶閣後壁

簡文帝撰隸書

元刻久亡明永樂口年重刻
凡重

刻者仍從所立之代

唐

汝南公主墓誌銘

貞觀十年

在嚴氏簾書山館亭堂

虞世南行書 銘詞及撰人姓名闕此碑宋元來金石家皆未著錄其文始載于陶宗儀古刻叢抄觀薛紹彭跋知宋時已絕重之石疑是唐人舊刻不知文靖當日何自得之觀其筆勢超逸中別具端凝之度永興正書以廟堂碑爲冠此碑當爲永興行書之冠王元美云蕭散虛和風流姿態種種有筆外意可並蘭亭詩敘非溢美也後見有摹入法帖者形神俱失

視舊刻不啻有仙凡之隔矣

尊勝陀羅尼經二石幢

大中口年

在興福寺山門外

經文不錄

左幢 後記女弟子徐十四孃施淨財七十千文造此寶幢奉爲亡夫許二郎生界同獲聖果自身永保康寧親屬助緣共百卅千文

關

又記捨錢姓名姪

宏亮欽超姪婦顧五孃劉二孃等及陳先朱認顧舍計四孃高九孃等二十餘人出錢自十五千十千至一千不等文多闕不備錄 末刻樹幢僧智峯 上座僧巨舟 寺主僧越常 都維那僧元鑒 平原

陸展書

瑯邪王柬鐫

大匠東

二十二日樹

右幢

經文下截遍記捨錢姓名字多磨泐其存者

僧德源胡口胡良陳歡老呂度徐琮陸簡錢舉等女

弟子陸廿三孃嚴八孃高十一孃蘇二孃朱四孃等

六十餘人出錢自三千至一千七百至二百不等

末刻

關

清潭捨錢二十五貫及助緣弟子奉爲

關

上座僧法儀

寺主僧懷口

京兆全真書

大匠

東

關

兩幢皆八面經文間有剝泐尙可摹拓舊志云宋建炎三年重建年月尙存今未見兩幢金石家尙未著

錄今據拓本錄入

唐東海君墓碑

咸通六年

在三元堂道院

碑誌畧云君諱陽本望東海人也曾祖待賓祖伯能
父罕君第四子也以咸通六年終于私第春秋八十
九其年十一月十四日窆于縣西北一里官路西後
係銘詞云云凡一百一十四字 此碑道光三年道
士劉某于院內墾土得之咸通至今歷九百八十餘
載而字刻完好可讀洵邑中一奇蹟也邑人陳某
之拓其文秘不示人邑人鮮有知者及陳歿文始出
其碑或云卽藏其家

乾符尊勝石幢

乾符五年

在梅里關脂壤庵

後記唐乾符五年歲次戊戌七月乙未十四日戊申
同勾當弟子許亮李昭代贊各捨三千文建此幢一
座院主僧敬能直歲僧口球匠彭城劉恭 自乾符
至今垂九百年向無人知者乾隆間鎮人潘 訪得
之同好事者摹拓數十本字畫完善惜無書人姓名
其筆法酷類徐季海邑中自是知有此幢與破山石
幢稱雙璧矣此幢錢氏金石文跋尾著錄

縉雲城隍記

在邑城隍廟儀門樓下

李陽冰篆書元刻在縉雲縣明嘉靖癸亥邑人徐栻

重摹刻石

宋

李則正題名

治平四年

在蘇州觀三清殿東

正書 石已斷存□朝造殿剩礫□□□年四月八

日宮主李則正題記十七字

石井欄題字

慶應八年

在蘇州廟大門外

正書 題識常熟縣積善鄉沈諒并妻曾氏男言拾

錢開義井一口云云

煙江疊嶂圖詩石刻

元祐四年

在嚴氏讀書山館

蘇文忠公行書此帖在蘇書中最道整有法當從真

蹟摹刻者

東坡陽羨二帖

元豐七年

在迎春橋清忠里三國大夫祠壁

行書

乾元宮興造記

崇寧五年

在教道樓羅寶閣後壁

沈炯撰正書

或云明時重刻

呂真人感應記

隆興二年

在頂山白龍廟

趙彥清撰正書

有宋宗室平江府都監墓誌銘

淳熙九年

楊興宗撰正書

此碑于乾隆末趙氏修墓地得之

舊在父子天官祠

平江府常熟縣丹陽公祠記

慶元五年
在言子祠儀門

朱子撰元刻已亡明宣德中張洪重書洪有識語今

碑文亦多殘剝

慧日寺度僧公牒

嘉泰元年

在慧日寺二門

正書上刻樊璣題記

半山京記

開禧元年

在乾元宮老子殿左壁

趙公豫撰八分書元人重刻

平江府增置常熟縣學新田記

紹定六年

在明倫堂

孫沂撰章巽亨正書上刻軍府使帖

大慈寺鐘樓記

嘉定九年

在福山

釋居簡撰 書碑已殘剥或云是元時重摹刻石

常熟學重建學宮記

嘉熙元年

在文廟戟門西

魏了翁撰袁簡正書

常熟縣學田籍碑

嘉熙元年

在儒學禮門內

無名氏正書

常熟縣經界記

嘉熙二年

同上

杜範撰正書

教育言氏諸孫記

嘉熙口年

在文廟戟門西

袁甫撰正書

季少府墓誌

淳祐六年

在文村摩訶巷

徐謂禮撰正書

鄧道樞題名

淳祐十年

在教道觀三清殿東

正書 石在題名時已半截今又殘闕存七行三十
餘字後有鄭昇元題詩云鼓琴詠泉石霜鶴酬清音
惟有七星檜歲寒同此心 後十三年景定長至丹
井脩煉含陽存庵鄭昇元資深□□黃常應少明與
焉學生堯問侍

按後十三年爲景定四年癸亥歲也此詩題在淳祐
題名之後舊志錄鄭詩題作七星檜失之矣

雨香堂碑

景定四年

在方塔寺

正書 碑凡四截皆淳祐間人贈無擇禪師詩句順

治間寺僧掘地得之

火蓮碑

咸淳□年 在李墓智林寺

李念祖撰正書 碑記寺僧道一茶毘事

忠字碑

有贊 在儒學禮門左

孝字碑

有贊 在儒學禮門右

二碑皆文信國公書無年月碑陰刻明夏時正鄉貢

進士題名二記

元

常熟縣知縣孔公德政碑

至正二十九年
在儒學禮門